

UEN



— Nenio pli facila ol igi kaj iĝi: Mi enamigis lin, mi edziniĝus, li ne volas edziĝi..... mia patro rompigos al li la kapon.

Kara samideano :

Mi atentigas vin pri tio: mi estas eldononta humoran gazeton JEN, kies unua numero aperos en Junio.

Ne timu; mi tute ne intencas ridigi vin. La vojo de la ridigo estas tro danĝera kaj sur ĝi oni ofte fariĝas ridinda. Nenio pli malgaja por saĝaj kaj spritaj homoj ol la ridindeco de la aliaj. Tial, ĉar kiel saĝajn kaj spritajn mi rigardas vin, mi celos ŝpari al vi la malgajecon de mia ridindeco. Rimarku, ke mi parolis al vi nur pri humora gazeto. Ĉu la humoro estos bona aŭ malbona, vi devos mem respondi. Ni eĉ supozas, ke vi ne tro haltos kvalifiki ĝin, ke al vi sufiĉos trovi humoron ajn, kaj ke kiel mi, vi opinias, ke en la nuna tempo, oni nur devas postuli de la homoj, ke ili ne estu... malhumoraj! Ne timu, mi ripetos; mi tute ne intencas ridigi vin. Mi nur intencas veki ĉe vi la rideton, kiu kuŝas ĉe la lipoj de ĉiu saĝa homo.

Certe vi ekkrios, kiam tiu ĉi cirkulero estos falinte en viajn manojn: «Ankoraŭ unu esperantista gazeto!» Jes, kara samideano; ankoraŭ unu esperantista gazeto; sed ĝi tute ne parolos al vi pri Esperanto; ĝi nur estos verkita en esperanta lingvo, kiel tiom da aliaj estas verkitaj en iu lingvo ajn. Kiam vi lasos la lacegan laboron, al kiu vi vin dediĉas por la bono de nia afero, vi trovos en ĝi nek unu rememoron pri nia batalado, organizado de propagando, kaj tiel plu; sed vi trovos artaĵojn, belegajn desegnaĵojn kaj karikaturojn, akutajn frazojn, kiuj povos interesi tiel al vi, kiel al ĉiu ajn neesperantisto, al kiu vi montros aŭ tradukos ilin.

«Multajn desegnaĵojn, malmulte da teksto» jen la devizo de JEN. Bonvolu turni la paĝon; rigardu la belan desegnaĵon; imagu dek ses paĝojn similajn al tiu ĉi, plenajn de tutpaĝaj karikaturoj kaj spritaj legendoj; ĉu tio ĉi ne naskas en vin deziron fariĝi abonanto de mia gazeto? Vidu la kvaliton de tiu ĉi paperfolio, kaj kalkulinte la koston de mia eldonaĵo, rigardu la prezojn, kiujn mi sube enskribas, kaj diru al mi ĉu mi ne estas prava atendante vian abonmendon!

Mi havas ĉiun garantion por plena sukceso; vi havas ĉiun por plena kontentigo. Mi havigis al mi por mia gazeto JEN la direktadon de nia bone konata samideano Sro. Fred. Pujulà y Vallès, kaj la kunlaboradon de *Apa* kun aliaj famekonataj artdesegnistoj katalunaj.

Mi esperas, ke vi tute ne dubos sendi al mi la mendon enskribi vin en la liston de miaj abonintoj. Vi povas vin turni, ĉu rekte al mi (strato Portaferriça, 17) ĉu al iu el miaj reprezentantoj, kies nomojn kaj adresojn vi trovos ĉi sube. En la okazo vi vin turnos al mi, vi estas petata fari la paĝon per la «Ĉekbanko Esperantista» (Merton Abbey, London, S. W.), kies ĉekojn kaj markojn mi plej volonte akceptas.

Kvankam la prezo de la abono estas tre malalta, vi povas ankoraŭ plimalaltigi ĝin tiel, ke la abono kostos nenion ĉu al vi ĉu al la societo al kiu vi apartenas. Kiel? Sendante al mi liston kun mono de dudek abonintoj. Vi ricevos page al via klopodo, senpagan abonon por unu jaro al la gazeto JEN, kiun ni regule sendos ĉu al vi ĉu al amiko via aŭ societo aŭ grupo de vi montrita.

Kun plej altaj sentoj restas via.

RAMON FARRÉ

Barcelono-Majo 1909

ABONO

UNU JARO.. .. .	3	FRANKOJN (1'200 SM.)
JARUONO	2	> (0'800 SM.)

REPREZENTANTOJ

G. Warnier, *Librairie del Esperanto*, 15, rue Montmartre, PARIZO. — Möller & Borel, *Esperanto Verlag*, 18, 19, Lindenstrasse, BERLINO S. W. — Andr. Fred. Host & Son, Kg. L. Hofboghandel, Bredgade, 35, KJOBENHAVN. — *The British Esperanto Association*, Museum Station Buildings, 133-6, High Holborn, LONDON, W. C.